

**KERATAN AKHBAR BULAN SEPTEMBER 2021**  
**UTUSAN MALAYSIA**

**KANDUNGAN LIPUTAN HARIAN BULAN SEPTEMBER 2021**

BIL.	TARIKH	TAJUK BERITA	MUKA SURAT
1.	02.09.2021	Datuk Berdepan Penjara 483 Tahun – Kes Tuntutan Palsu	2
2.	04.09.2021	Dedah Pegawai BAM Tawar Rasuah	3
3.	08.09.2021	Rampas Dokumen Sukarkan Audit 1MDB – Saksi Ketujuh	4
4.	09.09.2021	Bekas Penolong Pegawai Tadbir JAIM Direman	5
5.	14.09.2021	Terima Suapan RM31,000 Kerja Perbelanjaan Syarikat Adik	6
6.	16.09.2021	SPRM Tahan Pensyarah Kanan – Disyaki Beri Kontrak RM46,000 Kepada Ahli Keluarga	7

Utusan Malaysia | 2 September 2021 | Page 1,13



## Datuk berdepan penjara 483 tahun »13

# Datuk berdepan penjara 483 tahun

Oleh NORHAYATI YAHAYA  
[utusannews@mediamalaya.com.my](mailto:utusannews@mediamalaya.com.my)

**SHAH ALAM:** Seorang ahli perniagaan bergelar Datuk berhadapan dengan penjara sehingga 483 tahun apabila didakwa melakukan 69 pertuduhan memalsukan pelbagai dokumen bagi tujuan menipu Jabatan Kerja Raya (JKR) antara Jun 2019 sehingga September 2020.

Tertuduh, Adly Kamarudin, 47, mengaku tidak bersalah di Mahkamah Sesyen, di sini selepas kesemua pertuduhan dibacakan selama lebih satu jam bermula pukul 10.20 pagi di hadapan Hakim Rozilah Salleh.

Berdasarkan kesemua pertuduhan, Adly didakwa melakukannya persubatan dengan mengarahkan seramai lapan individu untuk memalsukan 60 dokumen pelbagai projek dengan tujuan menipu JKR.

Kesemua dokumen terbabit termasuk Surat Setuju Terima bertajuk kerja-kerja penyelenggaraan di kampus Sultan Azlan Shah untuk Tetuan Universiti Pendidikan Sultan Idris (UPSI), surat pemberitahuan penerimaan tender Majlis Perbandaran Seremban, Surat Setuju Terima Tender Lembaga Getah Malaysia, Surat Setuju terima Tender Lembaga Lebuhraya Malaysia, Surat Setuju terima Tender Majlis Bandaraya Petaling Jaya, Su-



ADLY Kamarudin hadir di Mahkamah Sesyen Shah Alam semalam bagi pertuduhan sebanyak 69 kes rasuah. - UTUSAN/ZULFADHLI ZAKI

rat Arahan Muja Kerja Dewan Bandaraya Kuala Lumpur, Surat Setuju Terima Tender Kementerian Pertahanan, Surat Setuju Terima Lembaga Kemajuan Tanah Persekutuan (Felda) iaitu membina dan menyiapkan 50 rumah kakitangan.

Dia turut berhadapan pertuduhan mengarahkan beberapa

individu untuk memalsukan beberapa dokumen Borang A Caruman Kumpulan Wang Simpanan Pekerja (KWSP) bagi tujuh buah syarikat iaitu bagi syarikat KSB Global Sdn. Bhd., Syarikat Sekilau Bina Sdn. Bhd., Syarikat Era Utama Sdn. Bhd., Syarikat Utusan Teguh Sdn. Bhd., Syarikat Merak Kayangan

Sdn. Bhd., Lapisan Rezeki Sdn. Bhd. dan Syarikat Teraju Laksana Sdn. Bhd.

Kesemua perbuatan itu didakwa dilakukan di Jalan 2/1G, Mutiara Bangi, Bandar Baru Bangi, Hulu Langat antara Jun 2019 hingga September 2020.

Tertuduh yang turut mempunyai perniagaan pelancongan di Jakarta, Indonesia itu didakwa melakukannya kesalahan mengikut Seksyen 468 Kanun Keseksian dibaca bersama Seksyen 109 kanan sama yang memperuntukkan hukuman penjara sehingga tujuh tahun dan denda, jika sah.

Timbalan Pendakwa Raya daripada Suruhanjaya Pencegahan Rasuah Malaysia (SPRM), Ahmad Akram Ghafir memaklumkan mahkamah bahawa kesalahan itu tidak boleh dijamin namun tertuduh hanya boleh dibebaskan dengan jaminan atas budi bicara piyah mahkamah.

"Pihak pendakwaan tidak membantah sekiranya mahkamah menggunakan budi bicara untuk membenarkan tertuduh dijamin dan jika diberikan jaminan, pendakwaan mencadangkan jumlah jaminan RM500,000 dengan seorang penjamin tempatan selain syarat tambahan melapor diri di pejabat SPRM terdekat sekali dalam sebulan selain menyerahkan

pasport antarabangsa kepada mahkamah," katanya.

Bagaimanapun, peguambela, Md. Yunus Shariff menegasikan pihaknya tidak membantah jumlah jaminan tersebut namun memohon budi bicara mahkamah supaya pasport antarabangsa anak guamnya tidak diserahkan kepada mahkamah kerana sebagai ahli perniagaan, dia perlu ke luar negara jika diperlukan.

"Sejak tangkapan dibuat pada 4 April lalu dan dikenakan tahanan reman sehingga 16 April, anak guam saya telah sempurnakan dan mematuhi arahan kehadiran melapor diri di pejabat SPRM, Kuala Lumpur.

"Kami memohon pertimbangan mahkamah agar pasport antarabangsa tidak diserahkan kerana bila boleh bergerak ke luar negara atas urusan perniagaan, ia akan mendatangkan kesukaran. Cadangan pihak kami akan memberikan akujanji untuk memberitahu pada pihak mahkamah dan salinan kepada pihak pendakwa raya tentang pergerakan ke luar negara jika diperlukan," katanya.

Mahkamah menetapkan jaminan RM500,000 dengan seorang penjamin dan mengarahkan tertuduh melapor diri di pejabat SPRM terdekat pada minggu pertama setiap bulan.

## Dedah pegawai BAM tawar rasuah

SAUDARA PENGARANG.

**BARU-BARU** ini, bekas pemain badminton Indonesia, Taufik Hidayat membuat tuduhan yang berat terhadap Persatuan Badminton Malaysia (BAM) apabila mendakwa dia cuba disogok oleh pegawai badan induk badminton negara pada Sukan Asia 2006 di Doha, Qatar.

Memetik laporan yang disiarkan oleh sebuah portal berita, bekas pemain nomor satu dunia itu mendakwa telah ditawarkan wang suapan yang jumlahnya dua kali ganda lebih tinggi daripada bonus diberikan pemerintah Indonesia supaya tewas kepada Datuk Lee Chong Wei di separuh akhir.

Dakwanya, dia menolak tawaran itu dan akhirnya menewaskan Chong Wei 21-16 dan 21-18.

Walaupun ia sudah 15 tahun beraliu, saya menyelar sikap pegawai tersebut yang cuba memperjudikan semangat kesukanan atlet.

Sejurusnya, individu itu perlu dibawa ke muka pengadilan dan diadili oleh Unit Integriti Persekutuan Badminton Dunia (BWF) agar dia tidak cuba melakukannya terhadap mana-mana pemain atau kejohanan lain.

Saya berpendirian, Taufik Hidayat perlu menamakan individu tersebut dan tidak perlu berdiam diri. Isunya bukan soal perkara itu sudah lama berlaku, sebaliknya individu ini sedang berkeliaran bebas dan berpotensi melakukan hal sama bagi memanipulasi perlawanan.

Memejam mata tanpa mengambil tindakan adalah satu sikap *active bystander* yang menghalalkan perbuatan ini daripada terus berulang.

Saya juga menyeru BAM bersikap tegas terhadap mana-mana pegawai yang cuba memanipulasi perlawanan dan tidak mahu insiden malang ini terjadi terhadap mana-mana atlet.

Seharusnya BAM melakukan siasatan segera kerana ia membabitkan imej dan reputasi negara dalam sukan badminton. Kita tidak boleh berkompromi isu rasuah dalam sukan negara kerana ia menghancurkan masa depan atlet.

Saya juga menasihati mana-mana atlet yang berhadapan situasi seperti ini untuk tampil bersuara. Berdiam diri tidak akan menyelesaikan masalah sebaliknya akan membuat perkara itu terus berulang.

**YUSLAINI AZMI**

Ketua Wanita Muda AMK Terengganu



DAKWAAN Taufik Hidayat (kiri) cuba dirasuh supaya tewas kepada Lee Chong Wei perlu disiasat.

UTUSAN MALAYSIA | 08/09/2021 | MS 12

# Rampas dokumen sukarkan audit 1MDB - Saksi ketujuh

Oleh JUANI MUNIR ABU BAKAR  
juani.bakar@mediansula.com.my

**KUALA LUMPUR:** Mahkamah Tinggi di sini semalam diberitahu bahawa tindakan polis merampas dokumen pada Julai 2015 didakwa telah menyukarkan syarikat 1Malaysia Development Berhad (1MDB) untuk membekalkan dokumen untuk diaudit oleh Jabatan Audit Negara.

Perkara itu dimaklumkan saksi pendakwaan ketujuh, Saadatul Nafisah Bashir Ahmad yang merupakan bekas Juruaudit Jabatan Audit Negara kepada pegawai N. Sivananthan yang mewakili bekas Ketua Pegawai Eksekutif 1MDB, Arul Kanda Kandasamy.

Beliau bersetuju dengan soalan Sivananthan bahawa rampasan dokumen 1MDB oleh polis telah meletakkan syarikat itu dalam keadaan sukar dan mereka perlu meminta itu untuk proses audit.

Kata saksi itu, dia tidak ingat tarikh tepat berhubung tindakan polis merampas dokumen berkenaan namun menyedari



**SAADATUL NAFISAH BASHIR AHMAD** hadir di Mahkamah Tinggi Kuala Lumpur semalam bagi perbicaraan kes 1MDB.

berita tersebut.

Sebelum ini semasa perbicaraan di hadapan Hakim Mohamed Zaini Mazlan, mahkamah telah mendengar keterangan bahawa Jabatan Audit Negara menghadapi kesukaran mendapatkan 1MDB supaya berkongsi

dokumen sebagai sebahagian daripada audit ke atas firma pelaburan negara itu.

Semalam ditetapkan prosiding pembicaraan membabitkan bekas Perdana Menteri, Datuk Seri Najib Tun Razak yang didakwa menggunakan

kedudukannya untuk mengarahkan pindaan dibuat terhadap laporan akhir audit 1MDB yang dimuktamadkan Ketua Audit Negara, sebelum laporan itu 'sekali lagi dimuktamadkan' dan dibentang di hadapan PAC bagi mengelak sebarang tindakan diambil terhadap beliau.

Arul Kanda pula didakwa bersubahat dengan Najib dalam membuat pindaan itu bagi melindungi Ahli Parlimen Pekan terbabit daripada tindakan tatertib, sivil atau jenayah berhadap 1MDB.

Kesalahan itu didakwa dilakukan di Kompleks Jabatan Perdana Menteri, Pusat Pentadbiran Kerajaan Pusat, Wilayah Persekutuan Putrajaya antara 22 hingga 26 Februari 2016, mengikut Akta Suruhanjaya Pencegahan Rasuah Malaysia (SPRM) yang sabit kesalahan boleh dijenjara 20 tahun atau denda lima kali ganda nilai suapan atau RM10,000 mengikut mana lebih tinggi.

Perbicaraan bersambung 27 September ini.

Utusan Malaysia | 9  
September 2021 | Page 31

## Bekas Penolong Pegawai tadbir JAIM direman

**MELAKA:** Seorang bekas Penolong Pegawai Tadbir Jabatan Agama Islam Melaka (JAIM) direman lima hari bermula hari ini bagi membantu siasatan penyelewengan kutipan bayaran lebihan gaji guru kontrak bernilai lebih RM195,000, empat tahun lalu.

Majistret Mohamad Izwan Mohamed Noh membenarkan perintah reman terhadap suspek berusia 36 tahun itu sehingga Ahad ini untuk membantu siasatan mengikut Seksyen 18 Akta Suruhanjaya Pencegahan Rasuah Malaysia (SPRM) 2009.

Suspek tiba di pekarangan Kompleks Mahkamah Ayer Keroh di sini pada pukul 8.35 pagi dengan memakai baju lokap SPRM dan permohonan reman selesai kira-kira satu jam 30 minit kemudian.

Terdahulu, suspek ditahan kira-kira pukul 11.45 pagi semalam di pejabat SPRM Melaka selepas dipercayai terlibat dalam penyelewengan kutipan bayaran lebihan gaji guru kontrak bernilai RM195,765.75.

Suspek disyaki telah mengemukakan dokumen yang mengandungi butir matan (naskhah) palsu bayaran balik emolumen lebihan gaji kaktangan kontrak JAIM berjumlah RM195,765.75 sedangkan bayaran tersebut tidak diterima oleh jabatan itu dari tahun 2017 hingga 2018.

Ketika kejadian suspek merupakan Penolong Pegawai Tadbir (N32) JAIM.

Suspek ditahan bagi membantu siasatan di bawah Seksyen 18 Akta SPRM 2009 yang mana jika sabit kesalahan boleh dikenakan hukuman denda lima kali nilai suapan atau RM10,000, mana yang tinggi dan penjara tidak melebihi 20 tahun.

Utusan Malaysia | 14 September 2021 | Page 32

## Terima suapan RM31,000 kerja perbekalan syarikat adik

**MELAKA:** Seorang Penolong Pegawai Kesihatan Persekutuan mengaku tidak bersalah di Mahkamah Sesyen, Ayer Keroh di sini, semalam atas sembilan pertuduhan menerima suapan melalui kerja pembekalan berjumlah lebih RM31,000 menerusi syarikat adiknya.

Tertuduh, Ab. Hanif Ab. Hamid, 40, mengaku tidak bersalah sebaik sahaja pertuduhan dibacakan jurubahasa mahkamah di hadapan Hakim Elesabet Paya Wan.

Mengikut kesemua pertuduhan, tertuduh yang bekerja sebagai Penolong Pegawai Kesihatan Persekutuan Pejabat Kesihatan Daerah (PKD) Jasin didakwa menggunakan kedudukannya untuk mendapatkan suapan dengan terlibat dalam permohonan pembekalan kepada Perniagaan Thronez Enterprise milik adiknya.

Ia melibatkan sembilan kerja pembekalan keperluan bagi Unit Bekalan Air dan Kebersihan Alam Sekeliling (Bakas), PKD Jasin, Melaka termasuk peralatan tandas, cat, racun, mesin rumput dan skru bernilai keseluruhan RM31,099.50.

Tindakan itu didakwa dilakukan tertuduh di Bakas, Pejabat PKD Jasin antara 4 Julai sehingga November 2018.

Bagi kesalahan itu, tertuduh



**AB. HANIF AB. HAMID**

didakwa mengikut Seksyen 23(1) Akta Suruhanjaya Pencegahan Rasuah (SPRM) 2009 yang boleh dihukum di bawah Seksyen 24 akta sama.

Sabit kesalahan, tertuduh boleh dikenakan hukuman maksimum 20 tahun dan denda tidak kurang lima kali ganda jumlah atau nilai suapan atau RM10,000, mengikut mana-mana yang lebih tinggi.

Terdahulu, pendakwaan dikendalikan Pengawai Pendakwa SPRM Melaka, Nur Syakila Yaacob mencadangkan jumlah jaminan sebanyak RM5,000 bagi kesemua pertuduhan.

Hakim menetapkan tarikh 20 Oktober ini sebagai sebutan semula kes dan serahan dokumen.

Utusan Malaysia | 16 September 2021 | Page 12

Disyaki beri kontrak RM46,000 kepada ahli keluarga

## SPRM tahan pensyarah kanan

Oleh MAISARAH  
**SHEIKH RAHIM**  
maisarah.rahim@mediamulia.com.my

**PUTRAJAYA:** Suruhanjaya Pencegahan Rasuah Malaysia (SPRM) menahan seorang pensyarah kanan sebuah universiti awam kerana disyaki me-

nyalahguna kuasa dalam pemberian kontrak bernilai kira-kira RM46,000 kepada kakak kandung dan abang iparnya.

Menurut sumber, wanita bergelar doktor berusia lingkungan 40-an itu ditahan kira-kira pukul 11 pagi semalam di Pejabat SPRM Putrajaya.

Difahamkan, kontrak tersebut ialah projek pembekalan barang pejabat dan pembelian serta penyelenggaraan mesin jahit di sebuah jabatan di universiti berkenaan pada tahun 2015 sehingga 2017.

"Bagaimanapun, suspek dibebaskan dengan jaminan

SPRM setelah selesai diambil keterangan petang semalam," katanya semalam.

Sementara itu, Pengarah SPRM Wilayah Persekutuan Putrajaya, Mohd. Anuar Ismail ketika dihubungi mengesahkan tangkapan tersebut namun enggan mengulas lanjut.